

ПЯТАЯ СЕДМИЦА СВЯТАГО ВЕЛИКАГО ПОСТА

Четверток пятыя седмицы. На шестом часе.

Тропáрь прорóчества, глас 6:

Благоутрóбне, долготерпеливе, Вседержителю Гóсподи, низпосли милость Твою на люди Твоя.

Слава, и ныне: тойже.

Прокíмен, глас 6:

Госпóдь воцарíся, / да радуется земля. **Стих:** Да веселятся óстрова мнози.

Пс 96:1

Прорóчества Исáинна чтéние.

Тако глаголет Госпóдь Бог, сотворíвый нéбо и водрузíвый é, утверждéй зéмлю и яже на ней, и дай дыхáние людем, яже на ней, и дух ходящим на ней. Аз Госпóдь Бог, призвах тя в правде, и удержу за руку твою, и укреплю тя, и дах ты в завет рóда Израíилева, во свет языков, отвéрсти óчи слепых, известí от уз связанная, и из дóму темницы, и седящая во тьме. Аз Госпóдь Бог, сие Моё есть íмя, славы Моея иному не дам, ниже добродéтелей Моих истукáнным. Яже из начáла, се приидóша, и нóвая, яже Аз возвещу, и прёжде нéже возвестити, явишася вам. Воспойте Гóсподеву песнь нóву, начáльство Егó, прославите íмя Егó от конéц землí, сходящие в мóре и плавающии по нему, óстрова и живущии на них. Возвеселися пустыне, и вéси ея, придвория, и живущии в Кидáре, возвеселятся живущии на кáмени, от края гор возопиют. Дадят Бóгу славу, добродéтели Егó во óстровех возвестят. Госпóдь Бог сил изыдет и сокрушит рать, воздвигнет рвение и возопиет на враги Своя с крепостию. Молчáх, еда и всегда умолчу и потерплю? Терпéх, яко раждающая, истреблю и изсушу вкупе. Опустошу гóры и хóлми, и всяку траву их изсушу, и положу рéки во óстрова, и луги изсушу. И наведу слепыя на путь, егóже не видеша, и по стезям, ихже не знáша, ходити сотворю им, сотворю им тьму во свет и стрóпотная в правая. Сия глаголы сотворю и не оставлю их.

Ис 42:5-16

Прокíмен, глас 6:

Воспойте Гóсподеву песнь нóву, яко дíвна сотвори Госпóдь, / спасé Егó десница Егó. **Стих:** Видеша вси концы землí спасéние Бóга нáшего.

Пс 97:1А, 3В

Четверток пятыя седмицы. На вечерни.

Прокíмен, глас 7:

Вносите Гóспода Бóга нáшего, / и поклоняйтесь подножию нóгу Егó, яко свято есть. **Стих:** Госпóдь воцарíся, да гнёваются людие.

Пс 98:5, 1А

1. Бытія чтѣніе.

Речѣ Господь: вопль содомскій и гоморрскій умножися ко Мне, и гресѣ их велицы зело. Сошедъ убо узрю, аще по воплю их грядущему ко Мне совершаются; аще же ни, да разумѣю. И обратившеся оттуду, мужіе приидоша в Содом. Авраамъ же еще бѣше стояй предъ Господемъ. И приближився, Авраамъ рече: погубиши ли праведнаго с нечестивымъ, и будетъ праведникъ яко нечестивый? Аще будутъ пятьдесятъ праведницы во граде, погубиши ли я? Не пощадиши ли всего мѣста пятидесяти ради праведныхъ, аще будутъ в немъ? Никакоже Ты сотвориши по глаголу сему, еже убѣити праведника с нечестивымъ, и будетъ праведникъ яко нечестивый, никакоже. Судяй всей земли, не сотвориши ли суда? Рече же Господь: аще будутъ в Содомехъ пятьдесятъ праведницы во граде, оставлю весь град и все мѣсто их ради. И отвѣщавъ, Авраамъ рече: нынѣ начахъ глаголати ко Господу моему, аз же есмь земля и пепелъ; аще же умалятся пятьдесятъ праведницы в чѣтыредесять пять, погубиши ли чѣтыредесяти пятихъ ради весь град? И рече: не погублю, аще обрящу тамо чѣтыредесять пять. И приложѣ еще глаголати к Нему и рече: аще же обрящутся тамо чѣтыредесять? И рече: не погублю ради чѣтыредесяти. И рече: что, Господи, аще возглаголю? Аще же обрящется тамо тридесать? И рече: не погублю тридесятихъ ради. И рече: понѣже имамъ глаголати ко Господу, аще же обрящутся тамо двадесать? И рече: не погублю, аще обрящутся тамо двадесать. И рече: что, Господи, аще возглаголю еще единою? Аще же обрящутся тамо десять? И рече: не погублю десятихъ ради. Отыде же Господь, яко престѣ глаголя ко Аврааму, и Авраамъ возвратися на мѣсто свое.

Быт 18:20–33

Прокімен, глас 6:

Воскликните Господеву / вся земля. **Стих:** Работайте Господеву в веселии.

Пс 99:1, 2А

2. Притчей чтѣніе.

Приемляй наказаніе, во благихъ будетъ, храняй же обличенія, умудрится. Иже хранитъ своя пути, соблюдаетъ свою душу, любяй же животъ свой, щадитъ своя уста. Прѣжде сокрушенія предваряетъ досажденіе, прѣжде же паденія, злопомышленіе. Лучше кроткодущен со смирениемъ, нежели иже разделяетъ корысти с досадительми. Разумный в вѣсехъ, обретатель благихъ, надѣйся же на Господа, блаженъ. Премудрыя и разумныя злыми наричутъ, сладци же в словесѣ, множае услышани будутъ. Источникъ животен разумъ стяжавшимъ, наказаніе же безумныхъ зло. Сердце премудраго уразумѣетъ, яже отъ своихъ ему устъ, во устнахъ же носитъ разумъ. Сотове медовнии словеса добрая, сладость же ихъ исцеленіе души. Суть путие мнящиися прави быти мужу, обаче послѣдняя ихъ зрятъ во дно адово. Мужъ в трудѣхъ труждается себѣ и изнуждаетъ погибель свою, строптивый во своихъ устахъ носитъ погибель. Мужъ безуменъ копаетъ себѣ злая, и во устнахъ своихъ сокрѣвеществуетъ огонь. Мужъ строптивый разсылаетъ злая, и свѣтильникъ лести вжигаетъ злымъ, и разлучаетъ другіи. Мужъ законопреступенъ прельщаетъ другіи, и отводитъ ихъ в пути неблага. Утверждаяй очи свои, мыслитъ развращенная, грызый же устне свои, определяетъ вся злая, сей пещь есть злобы. Венецъ хвалы старость, на путѣхъ же правды обретается. Лучше мужъ долготерпеливъ паче крепкаго, и мужъ разумъ имѣяй паче земледельца великаго, удержаваяй же гневъ, паче вземлющаго градъ. В недра входятъ вся неправеднымъ, от Господа же вся праведная. Лучше укрухъ хлѣба с сластію в мѣре, нежели домъ исполненъ многихъ благихъ и неправедныхъ жертвъ с бранію. Рабъ смѣсленъ обладаетъ владыки безумными, в брѣгяхъ же разделитъ имѣніе на части. Якоже искушается в пещи сребро и злато, тако избранная сердца у Господа. Злой послушаетъ языка законопреступныхъ, праведный же не внимаетъ устнамъ лживымъ. Ругаяйся убогому, раздражаетъ сотворшаго его, радуяйся же о погибающемъ, не обезвинится, мѣлуяй же помилованъ будетъ. Венецъ старыхъ чада чадъ, похвала же чадомъ отцы ихъ. Верному весь миръ богатство, неверному же ниже пенязь. Не приличны суть безумному устне верны, ниже праведному устне лживы. Мзда благодатей наказаніе

употребляющим, и а́може а́ще обратится, успеет. И́же тайт оби́ды, и́щет любве́, а и́же ненави́дит скрыва́ти, разлуча́ет дру́ги и дома́шния. Сокруша́ет преще́ние се́рдце му́драго, безу́мный же би́емь не чу́вствует ран. Прекосло́вия воздви́жет всяк злый, Госпо́дь же А́нгела немилостива по́слет нань. Впаде́т попече́ние му́жу смы́сленну, безу́мнии же размышля́ют зла́я. И́же возда́ет зла́я за благáя, не подви́гнутся зла́я из до́му его́. Власть да́ет словесе́м нача́ло пра́вды, предводи́тельствуе́т же ску́дости пря и брань. И́же су́дит пра́веднаго непра́ведным и непра́веднаго же пра́ведным, нечи́ст и ме́рзок у Го́спода. Вску́ю бяше и́мение безу́мному, стяжа́ти бо прему́дрости безсе́рдый не мо́жет. И́же высо́к твори́т свой дом, и́щет сокруше́ния, остроптева́яй же учи́тися, впаде́т в зла́я. На всякое вре́мя друг да бу́дет тебе́, бра́тия же в ну́ждах полэ́зни да бу́дут.

Притч 16:17–33; 17:1–17